



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-070-4/24**
Datum: **24.04.2024. godine**

«Agencija za vodno područje rijeke Save» Sarajevo rješavajući po zahtjevu Službe za komunalne poslove, izgradnju i poslove mjesnih zajednica Grada Tuzla za donošenje rješenja o prethodnoj vodnoj saglasnosti za izgradnju mosta preko rijeke Tinje u naselju Avdibašići, na nerazvrstanoj cesti od mjesnog groblja Avdibašići prema naselju Avdibašići, MZ Donja Obodnica, na osnovu člana 109. stav 1. tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Podnosiocu zahtjeva, Službi za komunalne poslove, izgradnju i poslove mjesnih zajednica Grada Tuzla daje se prethodna vodna saglasnost za izgradnju mosta preko rijeke Tinje u naselju Avdibašići, na nerazvrstanoj cesti od mjesnog groblja Avdibašići prema naselju Avdibašići, MZ Donja Obodnica, na zemljištu označenom kao k.č. broj 378, 386 i 1571 K.O. Obodnica Donja.
2. Prethodna vodna saglasnost se daje u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
4. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 4.1. Izraditi investiciono-tehničku dokumentaciju izgradnje mosta na nivou glavnog projekta čija rješenja za propusnu moć će ispoštovati propise o vodama, a sve u skladu sa članom 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 - 4.2. Investiciono-tehnička dokumentacija treba biti urađena od strane ovlaštenog pravnog lica i revidirana od strane drugog pravnog lica, oba sa „liste A“ Federalnog ministarstva poljoprivrede, vodoprivrede i šumarstva, a prema članu 14. stav 2. Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 4.3. Sa vodoprivrednog aspekta kota donje konstrukcije mosta treba da bude viša za 1,2 m u odnosu na kotu velike vode rijeke Tinje ranga pojave 1/100 godina. Obalni upornjaci mosta, u odnosu na prirodni poprečni profil korita rijeke Tinje trebaju imati takav položaj da ne smanjuju širinu prirodnog korita.

- 4.4. Potrebno je provesti hidraulički proračun za dionicu uzvodno i nizvodno od mosta i utvrditi vučne napone u koritu i kote uspornih voda na mostu pri proticaju velikih voda ranga pojave 1/100 godina. Za slučaj da vučni naponi budu veći od dozvoljenih u prirodnom koritu, potrebno je predvidjeti i utvrditi potrebnu dužinu prelaznih dionica od obalnih upornjaka do prirodnog korita sa oblaganjem kosina korita i eventualno dna korita, a sve u svrhu sprječavanja erozije.
- 4.5. Projektnom dokumentacijom dati organizaciju izvođenja radova u koritu rijeke Tinje, kojom će se moguće štete u koritu i obalama, odnosno moguće štetne promjene režima voda, svesti na najmanju mjeru. Predmjerom radova predvidjeti, nakon završetka izgradnje mosta, uklanjanje svih pomoćnih objekata i čišćenje i uređenja korita.
- 4.6. Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.
- 4.7. Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja, zone sanitarne zaštite izvorišta i slično, te dati prijedlog mjera za sprječavanje tih uticaja u toku izgradnje i korištenja mosta uključujući i standardne i dodatne mjere zaštite.
- 4.8. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivu ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
6. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa, ukoliko isti nisu u suprotnosti sa uslovima iz ovog Rješenja.
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ova prethodna vodna saglasnost se može izmijeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Gradu Tuzla, Službi za komunalne poslove, izgradnju i poslove mjesnih zajednica daje se prethodna vodna saglasnost za izgradnju mosta preko rijeke Tinje u naselju Avdibašići, na nerazvrstanoj cesti od mjesnog groblja Avdibašići prema naselju Avdibašići, MZ Donja Obodnica, na zemljištu označenom kao k.č. broj 378, 386 i 1571 K.O. Obodnica Donja.

Uz zahtjev je dostavljena i pregledana slijedeća dokumentacija:

- Ovjerena kopija Rješenja o prenosu ovlaštenja na državnog službenika u organu državne službe, izdatog od strane Gradonačelnika Grada Tuzla, broj: 02/04-A-7308-2023 dana 3.5.2023. godine;
- Ovjerena kopija Uvjerenja o poreznoj registraciji izdatog od strane Porezne uprave FBiH, Kantonalni porezni ured Tuzla, dana 12.12.2014. godine;
- Mišljenje o usklađenosti planiranih aktivnosti izgradnje mosta preko rijeke Tinje, u naselju Avdibašići, od mjesnog groblja Avdibašići prema naselju Avdibašići, MZ Donja Obodnica na zemljištu označenom kao k.č. broj 378, 386 i 1571 K.O. Obodnica Donja sa prostorno-planskom dokumentacijom;
- Izvod iz prostornog plana TK, k.č. broj 378, 386 i 1571 K.O. Obodnica Donja, broj: 06/6-19-SI-45-2024 dana 05.02.2024. godine;
- Kopije zemljišnoknjižnog izvadka, K.O. Donja Obodnica, zemljišnoknjižni uložak broj: 512, izdatih od strane Zemljišnoknjižni ured Općinskog suda u Tuzli dana 08.01.2024. godine;
- Kopija katastarskog plana, K.O. Obodnica Donja, broj plana: 4, UR broj: 07-27-7989/2022-5 dana 16.09.2022. godine;
- Studija za ishodovanje prethodne vodne saglasnosti za izgradnju mosta preko rijeke Tinje u naselju Avdibašići na nerazvrstanoj cesti od mjesnog groblja Avdibašići prema naselju Avdibašići, MZ Donja Obodnica, urađena od strane „ATRIUS projekt“ d.o.o. Živinice, juli 2023. godine;
- Dokaz o uplati upravne pristojbe.

U skladu sa članom 124. stav (1) Zakona o vodama i člana 5. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 63/22), o zahtjevu je dana 21.02.2024. godine obavještena javnost putem obavještenja u dnevnim novinama „Oslobođenje“. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Studijom je obuhvaćena izgradnja novog mosta svijetlog raspona 8.40 m odnosno osovinskog raspona 8.85 m i širine 5.50 m sa ogradom. Poprečni nagib mosta je 2.5%, a uzdužni nagib je 1.0%. Na mostu je predviđena jedna traka za kretanje motornih vozila širine 3.80 m i jedna pješačka staza širine 1.20 m. Most je projektovan kao most upravan na vodotok sa otvorom koji je potreban za protok velikih voda. Rasponska konstrukcija je projektovana u sistemu proste grede. Glavnu rasponsku konstrukciju čine 4 glavna montažna AB nosača pravougaonog poprečnog presjeka visine 65 cm i širine 40 cm. Preko istih se oslanja AB ploča i Omnia pomoćna ploča ukupne visine 20 cm. Završna obrada kolskih i pješačkih površina je asfalt beton. Načelno je razriješen i koncept prilaznih saobraćajnica kao i način uređenja korita vodotoka Tinja neposredno u zoni mosta uzvodno i nizvodno u dužini cca 40 m. Izgradnjom novog mosta će se omogućiti bezbjedna i kvalitetna veza naselja Avdibašići sa ostalim dijelom MZ Donja Obodnica, odnosno kvalitetniji i brži prilaz ka mjesnom groblju u naselju Avdibašići, kao i siguran kolski i pješački prelaz preko neregulisanog korita rijeke Tinje, a odgovarajućom konstrukcijom uz poštivanje hidroloških uslova osigurati normalan protok rijeke Tinje u vrijeme visokih voda te spriječiti plavljenje zbog stvaranja prepreka. U sklopu ovih aktivnosti takođe će se riješiti uklanjanje postojećeg neuslovnog mosta.

Nakon uvida u raspoloživu dokumentaciju, konstatirano je da shodno članu 7. i članu 12, stav (1) tačka 1. Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost uz propisane uslove, pa je riješeno kao u dispozitivu rješenja.

Uslovi koji se trebaju ispoštovati prilikom izrade projektne dokumentacije, a koja je potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Zr Po ovlaštenju
Rukovodilac sektora za
izdavanje vodnih akata

[Signature]
Haris Alisehović, dipl.inž.građ.

Dostaviti:

- Grad Tuzla, Služba za komunalne poslove, izgradnju i poslove mjesnih zajednica, ul. ZAVNOBiH-a 11, 75000 Tuzla
- ④ AVP Sava, ISV, Vodna knjiga,
 - Sektor 40, arhiva,
 - Oglasna ploča